

## Beavdegirji

### 2013 jahkečoahkkin Girkonjárggas, Thon Kirkenes hoteallas

25.05.2013 dii: 14.00

#### Mielde:

Harald Gaski, Britt Rajala, Heidi Guttorm Einarsen, Lill Tove Fredriksen, Svein Nordsletta, Siri Johansen, Aimo Aikio, Harald O. Lindbach, Nils Ole Gaup, Marit M Eira Murud ja Liv Tone Boine.

#### Áššelistu:

1. Gohččuma ja áššelisttu dohkkeheapmi
2. Čoahkkima vuodđudeapmi
3. Jahkedieđáhusat ja rehkedoalut
  1. Stivrra 2012 Jahkedieđáhus
  2. Stivrra 2012 rehkedoallu
  3. Foanddastivrra 2012 jahkedieđáhus
  4. Foanddastivrra 2012 rehketoallu
4. Stivrra 2013 doaibmaplána
5. Stivrra 2013 bušeahtta
6. Foanddastivrra 2013 bušeahtta
7. SFS miellahttu ruhta
8. Válggat
9. Jahkečoahkkin cielkka

#### Áššiid meannudeapmi

##### 1. Gohččuma ja áššelisttu dohkkeheapmi

Mearrádus: Dohkkehuvvon

##### 2. Čoahkkima vuodđudeapmi

Čoahkkinjiđoheadji:

Harald Gaski

Čálli:

Svein Nordsletta

Beavdegirji dárkkisteaddjit:

Marit Murud ja Harald O. Lindbach

##### 3. Jahkedieđáhusat ja rehketoalut

1. Stivrra 2012 Jahkedieđáhus. Stivrrajodiheadji ovddidii stivrra dieđáhusa.

Mearrádus: Stivrra 2012 jahkedieđáhus dohkkehuvvo ovttajienalaččat.

2. Stivrra 2012 rehketoallu. Hálddahuš jodiheadji čilgii rehkedoalu.

Mearrádus: Ovddiduvvon rehketoallu dohkkehuvvon.

3. Foanddastivrra 2012 jahkedieđáhus. čállingoddi ovddidii jahkedieđáhusa.

Čoahkkin ávžžuha ahte biddjo 6 vahko vástidan áigemearri váldá go stipeandda.

Mearrádus: Dohkkehuvvui ovttajienalaččat dáinna lasihusain.

4. Foanddastivrra 2012 rehketoallu. Čállingoddi ovddidii foandda rehketoalu.

Mearrádus: Dohkkehuvvui ovttajienalaččat.

#### **4. Stivrra 2013 doaibmaplána**

Stivrrajodiheaddji ovddidii 2013 doaibmaplána. Guokte mañimuš cealkaga doaibmaplána sihkkovvojit.

Mearrádus: 2013 doaibmaplána dohkkehuvvui dáinna rievdadusain.

#### **5. Stivrra 2013 bušeahtta**

Čállingoddi ovddidii SFS bušeahta.

Jahkečoahkkin dohkkeha bušeahta daid kommentáraiguin mat bohte ovdan

Mearrádus:

#### **6. Foandastivrra 2013 bušeahtta**

Mearrádus: Jahkečoahkkin dohkkeha sisabođu ja olggosgoluid dai sumiid mielde mii jahkečoahkkimis olmmuhuvvon. Ruhta mii báhcá vurkejuvvo boahhteáigge stipeanddaide.

#### **7. SFS miellahttu ruhta**

Mearrádus: Jahkečoahkkin doalaha seamma miellahtturuđaid.

#### **8. Válggat**

Stivrra sadjásaččat:

Válljejuvvoaba 2 jahkái 2013-2015:

Elen Ravna Sara, Jeagilvarmadii 5, 9730 Karasjohka

John Henrik Eira 9730 Karasjohka

-----

Fágajoavku: Válljejuvvoaba 2 jahkái 2013-2015.

Harald Kåven, Høgalidsgatan 23A, S-52050 Stenstorp

Ingrid Nordal, Fanasgieddi, 9845 Deatnu

-----

Válgalávdegoddi:

Válljejuvvoaba 2 jahkái: 2013 -2015.

Liv Tone Boine, 9730 Kárásjohka, evttohuvo jodiheaddjin.

Aimo Aikio, Kotiheikintie 2, FIN-99800 Avvil

-----

Fágagirjjálaš foandda stivra

Dábálaš miellahttu: Trond Are Anti, Buolbmát. Deatnu

Válljejuvojit guovtte jahkái 2013 -2015:

Persovnnalaš sadjásaš Lena Kappfjellii válljejuvo Mihkku Solbakk.

Dábálaš miellahttu Torkel Rasmussen ja su persovnnalaš sadjásažžan válljejuvo

Britt Rajala.

Válljejuvit ledje ovttajienalaččat

## 9. Jahkečoahkkin cielkka

### SFS cealkámuš Sámediggeráđi gielladiedáhusa hárrái:

Sámi fágalaš girječálliid ja jorgaleaddjiid searvi (SFS) lea ilus go Sámediggi lea buktán sierra Gielladiedáhusa mas evttoha mo buoremusat hálldašit sámegeielaid boahhteáiggi. SFS hálida deattuhit ahte sámegeielaid dilli Norggas lea hui iešguđetlágan, mii gáibida hui dárkilit jurddašuvvan doaibmabijuid ja doarjaleami sihke sámi ja stáhta eiseválddiid beales.

Gielladiedáhusas leat dievva buorit jurdagat, muhto SFS imašta manin diedáhusa čállit leat nu gáržžet árvoštallan sámegeiela ovddideaddji ásaheamis doaimmaid. Láhka- ja konvenšuvnnaid čujuhusat sámegeiela doarjaga buorin leat viššalit namahuvvon, muhto mii ohcalat veaháš ieškritihka Sámedikki beales sámi giellaruđaid geavaheames, mii livččii buoret vuoduštus rievadan-evttohusaide go nugo dál bohtá ovdan diedáhusas. SFS mielas ferte buorebut čilgejuvvot mii oaivvilduvvo resursaguovlluin, ja vuordit athe ođđaortnet ii mielddisbuvtte ahte resurssat váldojuvvojit doppe eret, muhto baicce geavahuvvojit sealluhit, ovddidit ja nannet sámegeiela daid guovlluin.

Sámediggi hálida ieš eanet válddi ja ruhtadeami vai buorebut bastá mearridit boahhteáiggi sámi giellapolitihka ja -doaimmaid. Ulbmilin livččii juohkit dáid ruđaid sámi ásaheamis, almmá čielggatkeahhtá maid ásaheamis Sámediggi atná sámi ásaheamis. Lea go omd. Romssa universitehta giellaprográmmat uhcit doarjunveara go Sámi allaskuvlla doaimmat dušše dan dihtii go Romssa universitehta ii leat "sámi" ásaheamis?

Sámediggi dáhtošii ásaheamis sámi almmolaš lávdegotti man bargun livččii čielggadit lágaid, válddi, rámmaeavttuid ja ovddasvástádušjuogu sámegeiela hárrái. Jurdda lea ahte lávdegoddi galggašii maiddá bearráigeahččat ahte suohkaniid ja fylkasuohkaniid golut guovttegielat bálvalusaide kártejuvvojit.

Diedáhusas daddjo ahte dán "lávdegottis ferte leat mandáhtta čielggadit ja ráhkadit evttohusaid mo rievdadit lágaid ja válddi das mii guoská sámegeillii." Sámedikki mielas dat eaktuda ahte ieš galgá beassat hábmet lávdegotti mandáhta.

SFS lea guhkit áiggi cuiggodan Sámedikki giellapolitihka, ee. dan dihtii go searvvi mielas menddo stuorra oassi giellaruđas geavahuvvo almmá čielga eavttuid haga, eai ge suohkanat ja fylkasuohkanat leat geatnegahtton vuđolaččat rapporteret mo ja masa giellaruđat leat geavahuvvon. Jus dakkár lávdegoddi maid Sámediggi evttoha galggašii ásaheamis, de gáibida SFS dasa viiddit sámi ovddastumi go dušše Sámedikkis nammaduvvon olbmuid. Mii anašeimmet omd. hui lunddolažžan ahte ámmátolbmuid searvi dego SFS ge ovddastuvvo dákkár lávdegottis, erenoamážit dan vuodul go SFS guhká lea fállan Sámediggái juogadit iežas searvvi lahtuid čehppodaga hábmedettiin boahhteáiggi sámi giellahálldašeami almmá gulakeahhtá Sámedikkis maidige.

Sámediggedieđáhusas daddjo ahte "Sámediggi dárbbáša buriid ja aktiivvaláš ovttasbargoguimmiid sáme giela nannema ja ovddideami barggus dain iešguđetge giellaguovlluin". Sámediggi dáhttu rievdadit dálá giellanjuolggadusaid ja hálddašanmodealla nu ahte dálá giellahálddašanguovllu gielddat šaddet giellaresursaguovlun. Eará gielddaide ii galgga seamma viiddis láhkamearrádus. Jurdda lea ahte odđa ortnet galggašii nannet sámi giellageavaheaddjiid vuoigatvuodaid miehtá riikka. Dieđáhusas daddjo ahte: "Okta váikkuhus das go sámelága giellanjuolggadusat rievdaduvvojit gustot miehtá riikka, lea ahte šaddá dárbu ráhkadit differensierejuvnon juolggadusaid. Sámediggi oaidná ahte sáhtta šaddat hástaleaddjin muhtun suohkaniidda Norggas bálvalit iežas sáme gielat álbmoga sáme gillii. Danne lea dárbu odđa hálddašanmodellii mii bohtá dálá sáme giela hálddašanguovllu sadjái."

SFS doaivu juksat buori gulahallama Sámedikkiin dán áššis.

Čoahkkin loahpahuuvui dii. 16.50

Beavdegirjji čáli

Svein Nordsletta  
(sign)

Beavdegirjji dárkkisteaddjit

Harald O. Lindbach  
(sign)

Marit Murud  
(sign)